

Sak 4: Vedtekter for Friluftsrådet:

1. Fjordkysten Friluftsråd sine vedtekter vart vedteke til å lyde slik:

§ 1 DELTAKARKOMMUNAR

Fjordkysten Friluftsråd er eit interkommunalt samarbeidsorgan etter § 27 i KommuneLOVA mellom Flora, Askvoll og Solund kommunar. Tilslutnad frå nye deltakarkommunar må godkjennast av friluftsrådet sitt årsmøte og kommunestyret i kvar deltakarkommune.

§ 2 FØREMÅL

Friluftsrådet skal i samarbeid med deltakarkommunane, andre offentlege mynde og organisasjonar, fremja allsidig og miljøvenleg friluftsliv i den regionen deltakarkommunane femnar om, til beste for innbyggjarar og tilreisande sin trivnad og helse.

§ 3 ORGANISASJON

Friluftsrådet sine faste organ er årsmøtet, styret og ein administrasjon som står for den daglege drifta. Friluftsrådet er tilslutta Friluftsrådene Landsforbund.

§ 4 ÅRSMØTE

Årsmøtet er friluftsrådet sitt øvste mynde. Ordinært årsmøte vert halde kvart år innan utgangen av mars månad. Årsmøtet er samansett av ordførar frå kvar deltakarkommune, vald for kommunestyreperioden. Ved forfall oppnemner kommunen vararepresentant. Årsmøtet har vedtaksrett med dei fram møtte representantane.

Årsmøtet skal innkallast med minst 4 veker skriftleg varsel. Saksliste og saksdokument skal følgja innkallinga.

Med unntak av vedtektsendringar, jf. § 9, kan vedtak gjerast med simpelt fleirtal.

Årsmøtet skal handsama:

1. Godkjenning av innkalling, saksliste og utsendingar.
2. Val av ordstyrar og 2 representantar til å underteikne protokollen.
3. Styret si årsmelding.
4. Rekneskap med revisjonsmelding.
5. Arbeidsplan
6. Budsjett, herunder fastsetje tilskot (kontingent) frå deltakarkommunane.
7. Handsame innkomne saker.
8. Val

- a) Styre
- b) Styret sin leiar og nestleiar
- c) Valnemnd

Det vert gjennomført skriftleg val dersom nokon krev det. Ved likt stemmetal vert valet avgjort ved loddtrekning.

§ 5 EKSTRAORDINÆRT ÅRSMØTE

Ekstraordinært årsmøte vert halde etter innkalling frå styret eller når årsmøteutsendingar fra 2 eller fleire deltakarkommunar krev det. Ekstraordinært årsmøte vert innkalla med minst 3 veker varsel, og det skal gå fram av innkallinga kva saker som skal handsamast. Ekstraordinært årsmøte kan berre handsame saker som er nemnt i innkallinga. Ekstraordinært årsmøte har vedtaksrett med dei fram møtte representantane. For vedtak gjeld dei same reglar som for eit Årsmøte.

§ 6 STYRE

Styret skal ha to faste medlemmar frå kvar deltakarkommune. Det skal og veljast ein vararepresentant frå kvar kommune.

Leiar og nestleiar vert valde mellom medlemene i styret.

Styremedlemene, leiaren og nestleiaren er på val kvart år.

I styret skal begge kjønn vera representert i samsvar med KommuneLOVA sine reglar. Valnemnda vert vald mellom dei oppnemnde utsendingane frå deltakarkommunane.

Styret skal handsame følgjande:

1. Tilsetje dagleg leiar og fastsetje instruks for denne. Kontorstad for dagleg leiar er Solund og Solund kommune har arbeidsgjevaransvaret.
2. Definere og prioritere Friluftsrådet sine hovudoppgåver i samsvar med vedtekter og årsmøtevedtak .
3. Leie Friluftsrådet si løpande verksemd i samsvar med vedtekter og vedteken arbeidsplan.
4. Ivareta eit overordna ansvar for økonomistyringa av verksemda, i samsvar med vedteke budsjett.